

金丹心法後跋

嘉慶二年六月十八日子晤持真子於濟南得觀金丹心法一書悚然起立而嘆曰妙哉道也此真身心性命之學世出世間之樞機也心法何法法在一心法心何心心止一法真字字是金令人人得丹如披雲霧杲日當空矣夫世之丹經徧天下大抵統言體用槩論工夫求其顯闡祕奧直指根源易簡精實節目貫通未有如此經之深切著明者何期小子得寓於目得傳於口得會於心得體於身復得續跋篇末以質後人斯誠億萬劫難逢之奇遇也惟自愧管窺蠡測莫量高深了了於目何能了了於口了了於口何能了了於心未及升堂入室敢言澈底

道藏輯要

金丹心法下
飛昇

三

又壁集六

洞明耶所願與一二同心人由下學以期上達自卑邇而晉高遠躬行實踐共完性命以合天本固華榮妙鍊形神而證果夫乃信諸天不外一心大道總此一法撥轉關捩直臻無上潛心消息益覺精微矣後之君子幸覽觀焉

祖師門下蔣予蒲敬識